

## Laaf, Schorsch. Laaf!

Om letzte Sunndaachmoie bin ich om Bad Weilbach spazierngonge unnn habb merr Gedonke gemacht, was de November doch fernn selt-same Monat iss. Doo hänge iwverall Newwelfetze unnn Reechetroppe unner de kahle Äst von de Bisch unnn Beem, awwer die Sunn scheint dorch se dorch unnn ess glitzert unnn funkelt wie - no ja, wie innem Zauberwald. Unnn iwverall werrn Trauermärsch gebloose unnn gleichzeitich die Schelle von de Nannkappe gebutzt - koo Wunner, wenn die Mensche in so em seltsame Monat uff die komischste Oifäll kumme.

Weil grad, wie ich widder hoom gehe will, steicht vorne uffem Parkplatz ooner aussem Audo aus, e Zippelkapp uff und en stromme Trainingsoozuch oo, unnn ich guck unnn denk, den Bauch kennsde doch - unnn tatsächlich wars moin ahle Kumpel Schorsch. Ich stell mich hinner die Schwefelquell, weil ich sehe will, wasser macht.

De Schorsch stellt sich newe soi Auto, nimmt e unnadierlich Haltung oo, so wie en Turnierdänzer, bevor de Tango oofängt, winkelt die Arme oo, schwenkt se kräfdich unnn marschier los.

Doo konnt ich nit ruhich bleiwe, stell mich uff de Weech unnn ruf: Schorsch! Was machsden du doo? De Schorsch kimmt uff mich zu, bleibt stehe unnn sacht: Gude. Awwer hall mich nit uff. Was issen dess, was du doo machts?, frooch ich, wie kimmsden du uff so was?

Doo sacht er: Dess Kättche hott e CD von dene Bidls kaaft unnn hott se heit Moie uffgeleecht; ich heer dess, denk, die hawwe recht, hipp aussem Bett, habb mich oogezoche unnn jetz mach ich Pauer-Working.

Heer doch uff, habb ich gesacht, geh doch richdich spaziern, dess sieht doch werklich lächerlich aus, wennde die Luft so vor dir her boxt.

Honnes, moont druff de Schorsch, ich merk, du hosst iwverhaupt koo Ohnung. Dess isses jo grad, was mett dene Armbeweechunge erreicht werrn soll: Mach derr nix draus, was die onnern denke, befrei dich, sei nor du selbst – du bist du! Unnn außerdem werd mett dem Armpauer mehr Blut inn die Glieder tronspordiert.

Ei ja, habb ich gesaacht unnn habb soi eng Hos oogeguckt, hof-fentlich konnsde dann noch laafe?

Schleechtschwetzer, sacht de Schorsch, geh merr aus em Weech, ich kennt jetz schunn in Wicker soi, unnn er fängt aussem Stond oo, soi Arme zu beweeche wie e Dompflokotiv ihr Kuppelstonge, guckt uff soi Fieß, dasser joo mettem richdiche Fuß ze laafe oofängt unnn setzt sich in Beweechung.

Im selwe Aacheblick fällt merr noch was oi unnn ich ruf: Schorsch, langsam, was hawwe dann die Bidls heit moie gesunge, dassde so sportlich bist?

Er iss schunn e Stick weit weg, dreht sich awwer nochemol erumm unn brüllt ebbes zurick – unn ich denk, wies Kättche om frie-he Moin die CD uffgeleecht hott, hott se bestimmt was onnerst ge-moont als de Schorsch.

Ach so, was die Bidls gesunge hawwe? Laaf! Laaf! Laaf!

Eiern Honnes